

انا وابى وامى والثورة

الكاتب: محمد دينو



## حقوق النشر

---

اسم الكاتب : محمد دينو  
اسم العمل : انت الثورة  
نوع العمل : رواية اجتماعية  
دور النشر المشاركة : المغارة - البوكر  
جميع الحقوق محفوظة للكاتب ودور النشر  
وأي تعدي على حقوق الملكية يعرض صاحبة  
للمسائلة القانونية



بسم الله الرحمن الرحيم

والصلاة والسلام على اشرف الخلق اجمعين سيدنا محمد  
صلى الله عليه وسلم تسليما

اما بعد.....

فان هذا الطرح الادبي السياسى الجديد ما  
يعرضه ما هو الا توضحية بسيطة فى  
سبيل هذا البلد الكريم الجليل الذى اعطانا  
الكثير والكثير اما اول ما اعطانا اياه هو  
اننا تشرفنا بكوننا مصريين وبلادنا هى ام  
الدنيا فكيف لا اسال العزة وانا المصرى  
العزیز بطبعی اما بعد...

ان الوطن العربى وما مر به من ظروف  
عصيبة فى الاوقات الاخيرة لا يمكن ان  
تنسى ما حدث فى ثوان عابرة مثل الرياح  
بل يجب الانطلاق من هنا الى تلك الرواية  
التى لا تقل قيمة عن اى رواية ادبيه

سياسية اخرى

وهي رواية عن محمد الذي كان من  
المشاركين لمدة ساعات قليلة  
في الثورة

ماذا ساعات قليلة؟؟

ولكن ان كان محمد لم يظل الا ساعات  
فلما اكتب عنه  
الان اجابة هذا السؤال انتا من ستقوم  
بها عند اكمال الطرح الادبي الذي بين  
يديك عزيزي القارى

واسال الله ان ينير عقولكم وصدوركم  
للاتساع لى فى قراءة الرواية  
ومحمد هو طالب بكلية الخدمة



الاجتماعية كان يحب الغناء كثيرا وكانت  
له رؤياته الادبية المتعددة وكان سياسيا  
خرج متحديا الظروف وهو بقا ويرى ما  
يصعب وصفه

ولكن لنا هنا وقفه كيف كان محمد اكثر  
العارفين باحوال البلاد وما بها من فساد  
للحكم الماضى وجبروت الظالم مبارك وما  
الى ذلك

الاجابة هي الخدمة الاجتماعية

ان الخدمة الاجتماعية ما تعبر عن بصدق  
الحديث هو الانسانية اللامتناهية والمدافع  
عنها وهو الاخصائى الاجتماعى فكيف لا  
يسال اخصائى اجتماعى الحرية وهو اعلم  
الخلق بها فى مواده ودراساته المتعددة  
وهى تشمل كل العلوم الطبية والنفسية  
والاجتماعية والاقتصادية والسياسية ..

الخ

نعم ومن بينها العلوم السياسية التى كاد  
ذلك الشاب ان ينفجر عقله انفجارا تاما  
لان الواقع فى الكتب السياسية يخالف  
الواقع فى الواقع

نعم ليس لغز انما هى الحقيقة  
ومن هنا جاءت فكرة

## الثورة:

ان التحول من حالة الى حالة اخرى  
يستحيل ان يكون حادثا بدون مصاحبة  
حالة من الحالات النفسية مثل الغضب  
والفرح والسعادة والحزن والارتباك .. الخ  
والثورة خرجت ولم تكن معها الا حالة  
الغضب التى لم يسبق ذكرها فعليا على  
الحكام الفترة السابقة الثورة لم تكن حدثا

لا يمكن ان نعتبره  
حدثا حقيقيا مؤثرا فى نفوس الجميع حتى  
الان

الثورة وان فعلت فانها قد غيرت جذريا  
سواء فى النظام وتحويله الى نظام اخر  
او فى نفوس الافراد

نعم فان الانفتاح السياسى الخطير الذى  
ساده مصر باكملها لا يمكن اهماله تماما

حتى البائعين الجائلين اصبحوا يشبهون  
كثيرا المحللين السياسيين المحترفين

والحرية اصبحت قريبة المنال والكل يتكلم  
بشكل حر ويعبر عن رايه ووجهة نظرة  
الخاصة

وبالفعل كانت جوانب سلبية



مثل اننا  
شعب فرعونى بطبعه

نعم ففي الجانب الاخر وهو السلبي ان  
الفوضى بالفعل سادت مصر خلال تلك  
الفترات قبل الاستقرار

حتى تم انتهاك الحريات بمسمى الثورة  
وتفسير معنى للثورة من وجهة نظر  
الاشرار وهى التدمير

الحرية لا تعنى بقريب او ببعيد ان نكون  
احرار فنبدأ فى التدمير فى كل شئ

ومن هنا عدنا لنفس المستنقع بسبب  
وجود غباء المعتقدين بان

## الحرية هي التدمير

نعم هنالك الكثير والكثير من اعتقدوا بذلك  
ولكننا نحن وباسم (شباب الجامعات  
المصرية) لم يكن لنا اى ذنب فى ذلك  
خرجنا نطالب بتطبيق ما نأخذه فى الكتب  
الدراسية عن الحرية والدولة الديمقراطية

التى لم نكن نكاد نراها بالاعين المجردة  
اثناء حكم مبارك  
وفى الاخير

رحل الحاكم رحل الظالم الذى حكم مصر  
قراية 30 عام ساد بها الفساد والظلم  
بكل اشكاله حيث وزراءه الذين انعدمت  
من قلوبهم الرحمة

الفصل

الاول

كل ليلة يحضر اوراقه ويبدأ فى التفكير  
فى فكرة اليوم عن ماذا سأكتب وكيف  
يمكننى افادة الناس بفكرة لم تتكرر من  
قبل.....

يومها صحى من نومه وراح على  
المطبخ وعمل القهوة واخذها وراح  
الاولضة بتاعته طبعاً وبدا يكتب الموضوع  
بعنوان  
((يسقط حسنى مبارك وابناءه))



كان اول مقالاته الادبيه السياسيه  
ايوه كان المقال مكون من 7

ورقات تقريبا كلهم عن الفساد والظلم

والظالم و عياله جمال وعلاء

كان بيحبب الجمل اللى فى المقال ويعمل

وزن وقافيه كويسه ويفتح البرنامج بتاعه

ومن باب العلم بالشىء

صوته مكنش حلو هى كانت برامج حلوة

بتخلى صوته حلو المهم....انه كان بيغنى

بس للأسف مكنش ينفع يخلي حاجه من  
دى تظهر فى ايام حكم المخلوع  
الحرية كان بيشفوها فى انه يقول اللى  
عايزو فى غناه كان حر فعلا بس فى  
الغنى , لكن لو كان نشر على مواقع  
التواصل الاجتماعى او اى وسائل  
انا كنت اضمنه انه راح فى ستين داهيه  
المهم كلنا عارفين الحال كان عامل اذى  
انك تغنى وتقول لا للفساد لا للظلم دى

فكرة جميلة بس طبعا مش مغيره من

حاجه من الواقع

هو حس انه طماع بيدوق طعم الحرية

براحته وان كانت محدودة بس لوحده

بيغنى بحريه بس خايف ينشر

!!!طب فين الحرية

هو الجبان بيدوق حرية

الاجابة مستحيل الجبان يشوف حرية

حتى بس الغنى كانت وسيلة تعبير عن

الى جواه علشان ميصابش بالشلل من

الحكم واللى شايفوا

على الاقل حتى يعمل عملية افراغ

وجدانى لنفسه فى الغنى

طب وبعدين هو لقي طريقة طب والشعب

المقهورة هيعمل ايه ياعينى طيب

ومن هنا جاءت فكرة الثورة

فكرة الثورة مجتش من الطمع لنفسه لا

جاءت من فكرة انه طماع ومينفعش يفكر

فى نفسه بس



حتى حضرتك وحضرتي وحضراتكم  
جميعا لما كنا نازلين الميدان مكنتش  
قاصد مصلحة ليك لا انتا عايز البلد دي

احسن بس دة جوهر الثورة التفكير في

مستقبل افضل لابناءنا والحرية التي لم

نراها نحن لابناءنا حق في تذوق طعمها

الجميل الذي لا يشبهه شئ على الارض

ابدا

بس دي كانت النظرية عند معظم اللي

كانوا نازلين

بس الواد دة شاف الحرية قريبة جدا منه

جوا بلد كل الشعارات فيها عن  
الحرية

كان حر فى الغناء بس مكنش حر فى

اصدار الغناء بالفعل الغناء حرية لا

تعرف قوانين ولا استراتيجيات ولا ثقافات

ولا اى موازين حتى عرفية ولا عادات

ولا تقاليد

فقط كن وحيدا و غنى قدر ما استطعت

قل ما تريد وما تستطيع قوله لكل من

حتى ولو كان

أعظم الحكام قهرا لشعبه

# الفصل

## الثاني

طبعاً الاهل مش متفقين مع دماغ ايا منا  
دى كانت نقطة مهمة جداً فى حياته كان  
بيعانى منها

.....  
بس كان شايف ان حلمه فى يوم هيتحقق  
ومش خايف من حاجه وبيغنى اكر واکتر  
وبيزداد يوم من بعد يوم شوقه لحد ما  
جمع صحابه كلهم واتكلموا فى موضوع  
الثورة دة وكدا اللى خافوا مفضلوش  
معاه خالص قاموا واتكلوا على الله



اما الباقي كانوا شوية يعنى مش قليلة

ومش كتيرة منهم حسام وعمر ومحمود  
طبعاً مش عارفين الناس دة

هتعرفوهم لما ندخل فى الموضوع  
محمد بيغنى فى الاوضة

خلص الاغنية

وقعد واتخنى انه لسه مش حر

اتصل بحسام

حسام ازيك

ازيك يا محمد وحشتنى

حبيبى يا حسام شكرا ربنا يخليك

شكرا يا محمد ايه مش ظاهر يعنى

يا عم اهو بغنى ذى مانتا عارف وكدا

يا عم محمد يابختك انتا مين قدك

حسام ونبى انا كنت عايز اقابلك

حاضر من عنيا اجيلك ولا تجيلى ؟

لا انا هنزلك اهو انتا فين

انا فى البيت اهو هنزلك انا كمان ناخد

العربية بتاعت الواد عمر ونتمشى شوية

خلاص ماشى

باى

باى

((محمد وحسام وعمر و فى العربية  
وعمر و وحسام بيهزروا ومحمد سرحان  
بيبص على النيل وعلى الناس))

مصر دى حلوة اوى يا رجالة

يابنى حلوة ايه متقولش مصر اديتنا ايه  
هههه(ضحك سخريه)من عمر و

حسام بيمسك سجايرو وبيقول

(والله ما كذبت يا صاحبي بس دى بلدنا

هنعمل ايه بس لو اتكلمنا هنروح فى

داهيه لو سكتنا هنموت بالشلل من  
الفساد اللى شايفينوا)

محمد فرح جدا وقال ((يا حسام نتكلم

ومنخافش انا البلد دى مش خسارة فيها

روحي مقابل انها تتحرر من اللى فاكرينا

عبيد لازم الحكم دة يخلص فى يوم من  
الايام))

انا بفكر فى فكرة كويسة جدا ثورة يا

رجالة ثورة تطلع متخليش من الحكام لا

اخضر ولا يابس



عمر: يار جالة نخف الكلام دة شوية في  
كمين قدامنا

حسام: يا عم يعنى هيعملوا ايه فكك منهم  
هنعدى

محمد: بس يا حسام لما نشوف عايزين  
مننا ايه

(الظابط يوقفهم ويقول بطاقتكم يا بابا انتا  
وهو)

محمد: حاضر يا باشا

الظابط: العربية دى بتاعتك ولا شاقطها  
من اى حته يلا

عمر: لا يا باشا دى بتاعتى انا

حسام: خير يا باشا البطاقات وكل حاجة  
تمام

الظابط: اخرس يلا انتا وحت جزمة فى  
بوك لحد ما نشوف رخص العربية دى

حسام: يا باشا انا مواطن مصرى وعيب  
اتهان كدا واصلا مينفعش

الظابط: نعم ياروح امك انتا هتعلمنى  
العيب ولا اى رخص العربية دى يلا

حسام: مالها امى بس يا باشا

الظابط يضربه بالقلم ويقول: انتا كمان  
بترد عليا دة انتا ليلة امك سودا

محمد: صلى على النبى يا باشا واهدى  
هات احنا اسفين

الظابط: غور يلا انتا التانى من وشى

محمد: يا باشا احنا معملناش حاجة هات  
الرخصة يا عمر

عمر: اتفضل يا باشا الرخص سليمة  
باسمى اهى

محمد: اظن كدا نتفضل ياباشا

الظابط: اة انتوا ممكن تمشوا لكن الواد  
دة (على حسام) سيبوه اعلمه اذاي يحترم  
السيادة

محمد: ياباشا حسام طيب ومش قصده  
حاجه وهو انسان كويس احنا اسفين يا  
باشا وسيبنا نمشى ممكن

الظابط: كلمه تانى وهتشرفونى كلکم هنا



محمد: ميتفعلش ياباشا نفضل هنا هو  
سيادتك مش مسموحلى اعمل مكالمه

الظابط: انتا بتهددنى ولا ايه اعمل اللى  
عايزو بس انا مش هسيب الواد ابن  
الكلب على الطريقه اللى بيكلمنى بيها دى  
انا عارف الاشكال دى بيملوا دماغها فى  
الجامعات ويجى الواحد منهم يقرقنا بقا

محمد بيقف على جنب ويتكلم فى  
التليفون ويقول للظابط انا هفتح الاسبيكر  
علشان تسمع  
يفتحه

صوت بيقول (قولى انهى زفت ظابط وانا  
اجى اخلى ليلته سودا كحل هى ولاد  
الناس لعبه ولا ايه)

محمد: ها هنمشى يا باشا ولا نفضل كمان



الظابط: مين دة يلا انتا وهو

محمد: تعرف اللواء محمود ابو اليسر

الظابط: اة طبعا

محمد: دة هو تسمح نمشى يا باشا

الظابط: لا استنى انتا تعرف سيادة اللواء  
منين يلا

محمد: معرفة بسيطة من ناحية الاهل  
ياباشا وقالى اى حد يكلمك اتصل بيا وانا  
عملت كدا

الظابط: ماتتكم كويس يلا هيكون السيد  
الوالد بروح امك يعنى

محمد: لا ياباشا وامى ملهاش دعوة

بالموضوع ارجوك ممكن

الظابط ياخذ نفس ويرمى البطاقات ويقول

خليهم ياخدوا البطاقات ومشوفش وشك  
انتا وهو تانى يلا

وركبو العربية ومشيو

محمد: تانى مرة يا حسام مينفعش  
العصبية دى

حسام: دى دولة حالها مايل دة بيغلط فيا  
انتا شوفته

محمد: ولو لازم نحترمهم لحد ما ربنا  
يبعت الساعة ليهم من عنده

عمر: انتا ليه مقولتلوش على اللواء

يا محمد

محمد: يا عمر اقله ايه بس كفايه انى  
اتصلت بيه اصلا

حسام: يلا الحمد لله جات سليمة يا رجالة

محمد: قولتوا ايه ثورة

حسام: ثورة

عمر: ثورة

# ثورة

.....

الفصل

الثالث



كان قاعد وماسك مايك فى الاوضة بتاعته  
وبيغنى

الاغنية بالظبط كانت: مصر يا امى او عى  
تنامى وتغفلى.....الخ

يعنى كان بيصحى الناس فى كلامه  
واغانيه اللى مكنتش بتتسمع اصلا

المهم فى نص الاغنية قال ((يا حسنى  
كفاية حرام كفاياك ظلم واجرام)) الام

اة الام مين مننا امه مش بتحبه مين امه  
مش بتخاف عليه

تخيل هو واقف وبيغنى الجملة دى وفى  
الاعادة امه بتخبط الباب وبتفتحه بشدة  
وتقوله  
انتا بتعمل ايه

محمد: مش بعمل حاجه اهو بتسلى شوية

الام: بتتسلى بكلام من دة يا محمد عايز  
تودى نفسك وتودينا كلنا فى ستين داهيه  
(بعصبيه)

محمد: يا امى انا عايز بلدى احسن وبغنى  
يمكن الغنى يآثر فى الناس ويحسوا  
بالظلم والفساد اللي بيجرى فى البلد

الام: يابنى غنى اى بس اللي هيخلي البلد  
كويسه ماحنا عايشين اهو وكويسين هو  
ابوك مخليك عايز حاجه

محمد: اة يا امى, الحرية ابويا مخلينى  
عايز الحرية

الام: متفلسفش عليا هما كلمتين الكلية  
دوله هيدخلوا عليا

يا محمد انا ام وبخاف عليك مش عايزة  
اخسرک يا بنی انا مش مستحيلة صدمة  
فيك انا مليش غيرك

محمد: يا امی متخافيش هو ربنا مش  
بايده كل حاجة ولا ايه

الام: طبعا

محمد: طيب خلاص القضية محسومة انا  
مش هيحصلی حاجة الا بإرادة الله عز  
وجل وبس

الام: بس ربنا قال مترميش نفسك قدام  
القطر

محمد: هو انا بعمل ای بس انا بغنى  
عادی



الام: اللى انتا بتشتّم فيهم بتغنى عليهم  
دوله مبيرحموش يابنى

محمد: وربنا بيرحم وقادر يرحمنى منهم  
ويبعدنى عنهم خالص ويبعدهم عنى  
خالص

الام: دايمًا من وانتا صغير بتعب معاك فى  
الكلام براحتك انتا مش صغير  
بس حرام عليك تقطع قلبى عليك انتا  
ابنى واخويا الاصغر منى انا بعترىك كدا  
متتعيش قلب امك عليك يا محمد

محمد: طب عارفة انا بحب مصر ليه  
علشان فهمونى انها انتى مصر هى امى  
وانا بحبك يا امى

بس بحب مصر زيك تمام ولازم اتكلم



الام: تتكلم ايه بس الناس الكبيرة فى  
الدولة ساكتة هتتكلم انتا بس يلا وتعالى  
ناكل سوا انا وانتا عاملة شوية بامية  
هتاكل صوابك وراهم

شكلكوا جعتوا ههه

محمد: طول عمرى بحب اكلك الجميل يا  
((يقول اسمها)) ويروحوا ياكلوا

الحمد لله

محمد: امى هو انا ممكن اسال حضرتك  
سؤال

الام: اتفضل

محمد: هو انا لو رحت فى مقابل حرية  
مصر هتزعلى

الام: بعد الشر ياد انتا بطل الكلام دة  
لضربك ذي زمان وانتا صغير عيب يا ولا

بيضحكها ويقولها انا حبك اوى يا مصر

الام: يابنى وغوشت قلبى عليك مالك

محمد: مالى اى انا لسه واكل معاكى  
البامية انا كويس

سببني بقا اروح اكمل الاغنية بتاعت  
الحكم دى

الام: لا يا محمد والله هزعل منك بجد  
اسكت بقا مش عايزين مشاكل

محمد: امى علشان خاطرى دى الاغنية  
الاخير

الام: كل مرة تقولى الاخيرة ومتكونش  
الاخيرة

وبعدين يابنى اللى بيحب مصر مش يغنى  
ليها لا يصلح فيها يساعد الحكومة اللى  
بيغنى عليها ويشتم فيها دى  
لو كل حد ومؤسسة وطائفة وشعب بص  
شوية على الانسانية وبص على مصر  
ومصلحتها بس هنكون احسن  
لو كل حد بطل يبص بانانية لنفسه وحب  
يعطى البلد ولو قليل هنكون الاوائل فى  
العالم فى كل حاجة  
لو التنازل عن الشئ هيخلي مصر فوق  
عادى تنتازل طالما مصلحة البلد فى  
التنازل دة  
لو اخترت طريقك بجد وفكرت هتفيد البلد  
دى اذاي كلنا كدة مش انتا بس مصر هي  
الاولى ان شاء الله

محمد: الله عليكى ياست الكل يا مثقفة



انتی بس کلامک کله بیقولی روح غنی  
وضحی بنفسک علشان مصر کمان  
اتنازلی انتی عنی یا امی علشان مصر

الام: لایه کلام خد هنا اوعی حاجه  
تاخذک منی حتی الموت لو حب یختارک  
هقوله لا اختارنی قبله بس مشفوش هو  
بیحصلوا حاجه قولتک انتا اخویا وابنی  
فاهم یلا اوعی تسبنی

محمد: خلاص انا بحبک ومش هسیبک ابد  
یا امی

الام: ربنا یخلیک یا قلب امک یا حنین  
علیها انتا شکرا یا محمد

محمد: خلاص بقا طالما هتزعلی هستنی  
تنامی وادخل اکمل غنی هههه



الام: نعم انتا بتاخذنى على قد عقلى يعنى

محمد: لا بس انا لازم اعمل الاغنية دى

الام: قولت لا يا محمد يا هزعل منك

محمد: يا امى انا لازم اعملها علشان  
خاطرى

الام: طب خلاص زعلانه منك وقلبى  
غضبان عليك

محمد: والله ما هصدق انها ممكن تحصل  
بزمك دة شكل واحدة قلبها غضبان طب  
اضحكى كدا

بتبتسم امه وتقوله بس انا زعلانه بجد  
متعملش اغانى ماشى

محمد: حاضر بس مش وعد

الام: لا انا عرفاك مش هتعمل وبعدين  
مصر ايه يا بنى اللي هتغنى علشانها

افتح كتاب يفيدك

محمد: عارفه يا امى انا لولا بفتح الكتب  
وبذاكر بجد عمرى ما هبقى غضبان على  
الحاكم كدا وبغنى عليه بالحق

فى الكتب علمونا ان الديمقراطية مبدا فى  
الدولة الصحيحة

وملقتهاش

علمونا ان احترام الفرد يمثل البناء  
لاحترام المجتمع

وملقتهاش

علمونا ان الغلاء والفقر ما هي الظروف  
عابرة تمر بها كل البلاد للوصول الى  
حالة الارتقاء بالمستوى المعيشي

وملقتهاش

وكم ان اتأكدنا ان الغلاء والفقر هي  
الظروف الثابتة في ظل حكم من يسرق  
البلاد

لقناها

علموانا ان القيم والاخلاق الساندة ثابتة  
وصعبة التغير في ظل الدولة المضبوطة

ملقتهاش

علمونا و علمونا و علمونا  
.....فين دة كله

الام: بس بس بس يارتنى ما كنت علمتك  
طالما هتودى نفسك فى داهيه كدا

محمد: تخيلى انا عارف ان اللى فى الكتب  
صح بس كمان عارف ان الواقع غلط وان  
اللى بيحمينى بياكل فينا

الام: يابنى اسكت بقا يابنى

محمد: اسكت وابقى ايه يا امى شيطان  
اخرس

حضرتك علمتيني كدا

الساكت عن الحق شيطان اخرس

وانا مش شيطان ولا انا اخرس

الام: انتا مجنون وانا غلطانه انى كلمتك



وبتضحك وهى بتكلم

محمد: هو انتى اللى يكلمكوا فى الصبح  
تزعلوا

الام: انتا كدا صح دة هو الغلط بعينه

محمد: ليه بقا...!!!قوليلى

الام: لما تعصى ولى الامر تبقى ايه

محمد: لو ولى الامر مش بيشوف الشغل  
صح او بينافق او مفسد او ظالم او او  
او.....الخ

يبقى عصيانه هو الصبح

الام: يخربيتك انتا توهتنى معاك بص  
سيبها ربنا يعدل حالها لوحدها كدا

محمد: ربنا كبير ومش بينسى انا هعمل  
الى عليا والباقي على الله

الام: بس ارجوك يا محمد اوعى تكسر  
قلبي عليك يا ابني

محمد: سببها على الله يا امي خير ان  
شاء الله

الام: انتا هتنزل النهاردة

محمد: اة والله فكرتيني هنزل هنروح  
نسهر شوية

الام: اة طيب خلى بالك من نفسك

محمد: متخافيش انا وصحابي هنسهر  
مش هنحارب

الام: بتضحك يا بنى خلى بالك من نفسك  
وخلص

محمد: حاضر يا غالية

الام: ربنا يحفظك يارب

محمد: وانتى كمان

ربنا

يا

يحفظك

مصر

# الفصل

## الرابع



محمد: ها يا حسام عمر والرجالة كلهم  
فين

حسام: اهم جوه مفيش الا انتا غايب بس

محمد: بجد طب خلاص انا اهو

حسام: فى حاجه بس انا هقولك احنا مش

كلنا رجالة فى بنات وسطنا وكدا

محمد: يابنى هو دة وقت شقاوة هو دة

وقته بنات ايه اللى جاييها دلوقتى

حسام: لا يابنى دى ثوار معنا

محمد: نعم يا روح خالتك ثوار ايه هي  
البنات اللي بتطبخ وبتغسل وتنشر  
وتمسح بتعرف تثور انا وصلت اهو لو  
جيت

ولقيت بنات هزعل بجد يا حسام

حسام: يا محمد بس مش هينفع طب بس

تعالى وربنا يسهل بقا

محمد: طيب باي

جوه بيت عمر

حسام: يا جماعة محمد جاي بيقول مش

عايزين بنات معانا خليفهم يمسحوا

وينشروا الغسيل

وفجأة انفجرت سارة: نعم انتا ومحمد  
بتاعك دة طب اقسم بالله لما اشوفه

هوريه ايه كلامه دة هي البنت مخلوقة  
لكدا يعنى هو مش البنت فرد فى مصر  
وشخص ليه حقوق وعليه واجبات

بطلوا تفكير متخلف بقا

حسام: مين المتخلف يا سارة ما تعدلى  
لسانك

سارة: انتا اذاي تسكت لصاحبك اصلا  
وهو بيقولك كدا

حسام: يابنتى محمد بيحب يهزر ولما  
هتشوفيه هتحببيه دة انسان طيب جدا

سارة : اولا معرفوش ولا شوفتو قبل كدا  
ومش عايزة اشوفه اكيد واحد ذى دة  
بيفكر كدا لسه فى الجاهليه موصلش  
لتقدم

حسام: انا مسمحكيش وخليكى كويس

شيماء: يا جماعه انا من رأى نهذا شوية  
علشان الجيران وكدا

عمر: لا خدوا راحتكوا محدش بيتكلم فى  
حاجه معايا عارفينى مجنون انا بتفرج  
عليكوا اهو هشوف اخرتها هههه

سارة: انا بجد اسفه بس اتعصبت  
بس فى لسه تفكير كدا هو انا مش



مصرية ولازم يبقالى حق اعبر عن  
شعورى وارفض واقبل بالالوضاع ولا ايه  
اكيد محمد دة من قبل ما اشوفه انسان  
مش متحضر تماما  
محمد دخل على غفلة ههه  
وبراحه خالص قال: ببرود

يا جماعة مش بقولكوا متسبوش الباب  
مفتوح كذا مرة

هو مين اللى مش متحضر يا سارة

سارة: تنحت وقالت ها

محمد: ايه اللى ها مين مش متحضر

سارة: هو انتا محمد

محمد: اة انا ايه مش عاجبك ولا ايه

سارة: لا بس انتا بجد غظتني بس انا  
مسمحاك طالما انتا كدا

محمد: كدا اذاي

سارة: لا اصل شكلك متحضر جدا جدا

محمد: اة طيب يلا علشان تطبخي  
وتغسلي وتكنسي يلا يا ماما باباكي خايف  
عليكي وبيقول اتاخرت ليه تلاقيه

سارة: بص متغظنيش انا معاكوا انا بحب  
البلد دي وليا حق ارفض واقول لا

محمد: يضحك ويقولها طب ولو بابا جالك  
هنا هنقولوا ايه

سارة بتضحك وتقول: معرفش بقا يجي  
معانا القعدة حلوة اهي (برومانسية)  
واخد بالك انتا

حسام: احم احم  
محمد: نعم يا حسام يا قلبى اوامرنى طبعاً  
عنيه على سارة  
حسام: بيحب وش محمد عليه ويقولوا  
انا هنا يلا

محمد: طيب يا نكدى يا فقرى انتا هههه

بصوا يا رجاله احنا هنتعرف وكدا  
وعايزكوا تعرفوا حاجه

احنا هننزل فى المكان اللى هنحددوا  
وهتبقى مظاهرة بس كل اللى يعرف حد  
يدعيه انه ينزل

وكل صاحبنا لازم يعرفوا ولازم يكونوا  
اللى واثقين فيهم بس طبعاً



سارة: بس احنا ممكن نتعرض لمواجهه  
كدا من الشرطة او اى جد

محمد: ان شاء الله خير ومحدث  
هيحصلوا حاجه ربنا مش كاتبها ليه

حسام: طيب يا صاحبي اهم حاجه اننا  
هنتزل يا رجالة واحنا شايلين اكفانا على  
الايدى يعنى ممكن فى اى لحظه اى حد  
يقع وهىروح فيها

علشان اللى اوله شرط اخره نور طبعاً

محمد: متخافوش يا رجالة احنا بنعمل  
لمصر بس اهم حاجه طبعاً بلاش ضرب  
فى المنشآت العامة او فى اى حاجه  
هتضر من وراها مصر



اتفقنا يا رجاله

شيماء: بس انا خايفة تنزل قوات وتنفض  
المظاهرة ذى مظاهرات الجامعة وكاننا  
معملناش حاجة

محمد: كتر الناس اللي هتقولها هتكون  
فى الميدان يعنى على قد ما هتقولوا لناس  
على قد ما هتلاقى كتير بس المهم انهم  
يعبروا عن اللي جواهم وميخفوش

شيماء: ربنا يوفقنا لانه وحده عالم بينا

محمد: حد عنده اسئلة تانى يا رجاله

المجموعة: لا

حضر صحابه الرجاله وقال لا اله الا الله  
ومشى وقال

تحيا مصر تحيا بلادنا حرة تحيا الوحدة  
المصرية

سلام يا رجاله

الفصل

الخامس

عمر يلا بينا هنروح البيت عندنا هنجيب  
حاجاتى واجى

عمر: طيب ثوانى هشغل العربية

محمد: بس هنا يا عمر خليك ثوانى وانا  
اجيلك بس او عى تندهللى او اى حاجه  
علشان محدش يقلق او يقول حاجه كدا  
ولا كدا

عمر: اوك بس متتاخرش

دخل البيت وجاب الشنطة

امه كانت فى سابع نومه

وجاب الشاحن واللبس وعلم مصر وكل  
الحاجات اللى هحتاجها فى الميدان  
وحطها فى الشنطة



بس الغريب ان امه قامت من النوم  
مفروعة وهو في الاوضة بتقول (اعوذ  
بالله من الشيطان الرجيم) استر يارب  
وقامت دخلت عليه لقيته بيجهز في  
الشنطة

الام: محمد انتا بتعمل ايه

محمد: ضحكها وقالها مفيش يا امي

الام: امال ايه الشنطة دي مالك يا بنى

محمد: يا امي والله مفيش هنزل مع  
صحابي بس يومين وراجعين ان شاء الله

الام: لا انتا فيك حاجة بتاخذ شاحنك  
ولبسك وكل حاجاتك ليه هو باباك زعلك  
في حاجة..

محمد: يا امي والله ابويا مزعلنيش

بس انا اللي عايز اغير جو وكدا  
الام: طب طمنى عليك يابنى او عى يا  
محمد تكون رايح تعمل حاجه غلط

محمد: لا يا امى اللي انا رايح اعمله هو  
صح الصح متخافيش

الام: طيب يابنى ربنا يحميك يارب

محمد: مسك وشها وقال ويخليكى ليا يا  
مصر

متخافيش يا امى انا نازل اجيب حقك  
وحق ابويا وحق صحابى وحق ولادى من  
بعدى متخافيش انا تمام وكويس

الام: طول عمرك مجنون طالما هتتفسح  
يبقى براحتك بس او عى تعمل مشاكل

محمد: لا طبعاً مش هعمل مشاكل ابدا

متخافيش

الام: طيب ربنا معاك

طلع وطلعت وراه على السلم وقالتله

متخافش يا محمد انا قلبى راضى عليك انا  
اول امبارح كنت بقولك كدا متخافش  
يابنى انا قلبى مش بيغضب عليك ابدًا

محمد: ربنا يخليكى ليا يا قلبى باى

نزل تحت لعمر

اطلع يا عمر بسرعة قبل ما تكتشف انى  
اخذت المقالات

اتحركت بيهم العربية  
وصلوا بيت عمر حيث الاجتماعات



ولم يكن باق الا دقائق ماذا الان...

محمد يقول:

عمر: اطلع بيا بسرعه هجيب اكبر عدد  
من التلى اعرفهم يقفوا فى الميدان يلا

وانتوا الكل يلا اتحركوا الميدان لازم  
يتملى ناس رافضة

يا عمر استنى هو حسام فين

معرفش

سارة حسام فين

مش عارفة مش ظاهر من بدرى

هتصل بيه

عمر: الو يا محمد



محمد: انتا فين يا بنى

حسام: انا اهو انا جيت الشباب بتوع  
جامعة عين شمس وهما متجهين  
للميادين بيقولوا

محمد: احنا هنتحرك اهو يلا يا حسام  
حلمنا قرب يتحقق هات اكبر قدر من  
الناس ويلا مصر محتاجة ترفض ظلم دام  
30

حسام: والله يا صاحبي انا عملت اللى  
عليها وبعمل اهو المهم مش دة المفيد انزل  
هات الناس ويلا انا هبعثلك هناك الناس  
لازم مبارك يمشى

محمد: حسام انتا فى حد جمبك ولا اى

حسام: لا ليه

محمد: المكالمة متراقبه يا حسام بص  
ارجع لآخر مكان وهات باقى الناس  
ومحدث يكلمنى تانى الخط هرمىه  
والفون علشان محدش يحدد الموقع  
بتاعى بالخط اخر مكان يا حسام او عى  
تغلط او عى

حسام: انا مش فاهم حاجه

محمد قفل فى وشه

حسام بي فكر ايه اخر مكان ده

وفجأة يابن الجنية يا محمد

انا هناك هروح حالا

طلع محمد وكلم من خطوط تانيه كل  
الناس واتحركوا بالعربية بيدعوا فى

الناس والناس فعلا بتزید

محمد قابل حسام فی الميدان وقالوا حلمنا  
بیتحقق الناس بترفض الناس فاقت الله  
واکبر یا حسام الله واکبر یا صاحبی احنا  
عملناها صحینا شعب

من فساد 30 سنه

محمد: حسام انا حاسس انی فرحان  
لدرجه انی هموت الناس بتزید وهتزید  
شایف الميدان عمل اذای الله  
واکبر

حسام: یاد بعد الشر علیک یارب انا یا  
صاحبی وانتا لا انا بحب البلد دی اوی یا  
محمد حلمنا قرب یتحقق وهیمشی والله  
هیمشی ان شاء الله



واليك المشهد التالى

مقاعد عليها كبار الشرطة واكبرهم يقول  
كيف نحل المشكل الذى حدث

وقام باصدار الامر الى اللواء

محمود ابو اليسر

بفض المتظاهرين بغير العنف ولكن ان  
استدعى الامر العنف فلا

يتردد

علم وينفذ

المهم نزلت القوات الميدان وبخراطيم  
الميا طبعا ناس جريت وناس فضلت ذى  
ما هيا



مع العلم الناس اللي بتجرى بترجع تانى  
ومحمد بيحفر الناس والقوات حاولت  
تقبض عليه ذى صحابه اللي اتقبض  
عليهم معروفوش لانه هرب من الميدان  
الى الميدان

بس مسابش الميدان طبعا  
طبعا حالة هرج ومرج فظيعة حصلت بس  
امه طبعا قاعدة قدام التلفزيون  
وسمعت قناة  
جايبة المظاهرة وناس بتقول يسقط يسقط  
النظام يسقط حسنى مبارك

ذى اى حد عنيتها دمت وقالت ربنا  
حققتك حلمك يا بنى

ابنى !!!

محمد

هو محمد كان نازل يتظاهر ياه انا غبيه  
اذاي مفكرتش في كدا

طب اعمل اى انا خايفة عليه جدا

اتصل بابوه ابوه هيقولى انتى اذاي تسبيه  
ينزل وهيز عقلى

قررت تتصل بابوه

فتحت التليفون لقيت رسالة

(متخافيش يا امى انا عملت كدا علشان  
ادوق طعم الحرية اللي اتحرمت منه انتى  
علمتيني ان الحرية مش كلام فى كتب  
بنقراه لا انه مبدا من مبادئ الحياة  
سامحيني يا غالية سامحيني يا احلى  
واجمل ام فى الدنيا سامحيني يالى  
الشمس بتطلع على تنور عن جمالك

بحبك يا امى بحبك يا ام محمد)

امه طبعاً بكت وقالت ياريتنى منعك

واتصلت بابوه

الام: الو

الاب: الو

الام: محمد

ولسه بتكمل قالها انا فى اجتماع دلوقتى

الاب: لما اخلص ارن عليكى سلام

الام فضلت ترن والاب فاكر ان الموضوع  
عادى وكدا

محمد كان بيحمس الناس على انهم



يفضلوا لحد ما يشيلوه خالص

والوزير طلب من اللواء محمود ابو اليسر  
انه ينزل بنفسه يفض المظاهرات لان  
القوات مش قادرة تعمل كدا علشان  
المقاومة من الشعب

توجه طبعاً للميدان وكان حسام شايلى  
محمد وبيقول يا ناس يا شعب مصر احنا  
جينا هنا وحققنا نص الحلم فاضل الحلم  
يكمل محدش يمشى حلمنا قرب

اللواء ماشى اضايق جداً من المنظر اللى  
شافوا طلع سلاحه وضرب فوق علشان  
الشعب يمشى

محمد قال لحسام نزلنى نزلته فعلاً

وواحد من القوات مسك سارة يضربها



طبعاً حسام راح يجرى علشان محدش  
يتعرض ليها بالاذى

واللواء واقف

ومحمد بيبص على اللواء

والام قلبها بيتقطع على ابنها محمد قدام  
التليفزيون نفسها تتظمن عليه  
وبتقول يارب

واللواء فى ايده السلاح

شاف حسام بيجرى على العسكرى يمنعه  
ان يضرب سارة

وشاف محمد بصله ومحمد بيبص عليه  
نظرة غضب فظيعة فى عين الاتنين  
سمع صوت سارة وحسام بيشيل عنها

العسكري  
وجه اللواء سلاحه على حسام صاحب  
عمر محمد

ومحمد شاف كدا

جرى على حسام

واللواء بيدوس على الزناد

ومحمد بيجرى على صاحبه

وضرب الطلقة اللواء

.....

الطلقة جات فى كتف محمد

لحق صاحبه  
انقذ حياته محمد اتصاب وصاحبه يبصله



جرى عليه وقاله محمد مالك يا محمد

هل تسمعني حول سيارة اسعاف بسرعه

حسام : لا سيبو احنا هناخدوا

اللواء قال:

هناخدوا منى ابني يا ولاد الكلب

....

ايه

ابنه

اه ابنه

اللواء محمود ابو اليسر ابو محمد صانع

الثورة



طبعاً راح اتصل تانى

الو هل تسمعنى سيارة اسعاف بسرعة

محمد بصوت منخفض جداً : سيبيهم يابا  
هم امنين عليا اكثر من اى حد دلوقتى  
احنا دلوقتى الثوار وانتوا الحكم  
احنا اعداء دلوقتى يابا سيبنى ليهم يابا

ابوه طبعاً وقع فى الارض على ركبتيه  
وندم ان الطلقة طلعت وقال

يارتها فيا يا ابنى يارتها فى قلبى

طبعاً عمر شغل العربيه وجريوا على  
المستشفى وفى نص الطريق

محمد : وقف يا عمر  
حسام : مالك يا صاحبنى

الف سلامة عليك وببيكى وكلهم ببيكوا  
وكانت سارة منهم

محمد: وقف يا عمر

عمر: حاضر

محمد انزل يا حسام انتا والرجالة روحوا  
حققوا حلمى وحلمكوا يا رجالة وحلم  
المصريين انزلوا وسيبوني انا مش  
خسارة روحى فى مصر وببيكى وهو  
بينزف وكلهم رافضين

انزلوا روحوا الميدان بتاعكم دلوقتى  
محدث ياخدوا منكم شيلوا الرئيس الظالم  
دة

كلهم باسوا راسه الا سارة وعمر كان  
بيسوق

رفضت سارة تنزل وتسببه حظ ايده على  
وشها بالدم وقالها انتى شبه امى تمام  
شبه مصر انتوا الاتنين انا حبيبك يا  
سارة علشان بحب حبك لمصر ارجعى  
معاهم وحررى بلدك يا امرأة محدش  
هيجى عليكى تانى

وانتى متخلقتيش للطبخ والغسيل انتى  
الحرية يا سارة  
والحرية مؤنثة ذيك بالظبط

باست دماغو وقالوا ليه لا اله الا الله  
وابتسملمهم  
وجريت الرجالة على الميدان بعد ما  
كانت قلوبهم قادت نار ونزلوا يهتفوا اشد  
التهتاف ويقولوا باعلى صوت  
ارحل ارحل ارحل  
على فكرة سارة كانت بتهتف ومش  
خايفة لانها خسرت محمد يعنى خلاص



مش باقى الا مصر اللى مش هتخاف  
عليها

العربية اللى فيها عمر ومحمد بتجرى  
بسرعه عمر نفسه يلحق صاحبه قبل  
الموت

النزيف بيزيد والسرعة بتزيد

فجأة  
محمد بيقول

عمر عايز اشوف امى

عمر: انتا اتجنتت انتا بتنزف

محمد: دة اخر طلب يا عمر ارجوك

عمر: مستحيل نروح المستشفى



وهتجيك وتشوقها وتشوفك ان شاء الله  
يا صاحبي

محمد: لو انا غالى عندك روحني البيت يا  
عمر

العربية بتلف التفاف لا يعقل ابدا

ويبص لصاحبه محمد اللي بيموت ويقول

حاضر يا صاحبي

والعربية بتجري بسرعة عمر عايز يخلي  
صاحبه يشوف امه قبل ما يموت بعد ما  
كان عايز يلحقه اصلا من الموت

وصلوا الى البيت عمر ينزله وهو غرقان  
في الدم ويقوله بس هنا يا عمر

كدة كويس روح انتا كمان يا عمر بسرعه  
على الميدان مصر محتجاكم بجد او عوا  
تمشوا يار جالة حققوا حلم مصر

عمر قول للرجالة انى بحبهم جدا وانى لو  
مت مش زعلان ومش ندمان انى خسرت  
حياتى فدا مصر وقولتهم كمان انى لو  
اتكتبلى انى اعيش هنشوف الحلم سوا فى  
النهاية الى عايزو ربنا هيكون

قول لسارة كمان متزعلش مكانش نفسى  
اموت علشان مش عايز اسيبها لو حدها  
فى الحياة بس غصب عنى

قول للمصريين كلهم كان المفروض ان  
بيننا واحد مات اول ساعات الثورة كان  
نفسه يشوف احلامه بتتحقق بس ربنا  
اختاره لحياة احسن

او عو تنسونى يا رجالة انا حبيت مصر

واديتها حياتى كلها

يلا يا عمر اثبتوا فى الميدان مفيش قوة  
هتقدر تخليكم تمشوا

حافظوا على الميدان بارواحكم

عمر سابو قدام البيت وجرى على الميدان  
وبلغ الرسالة لصحابه وللثوار والنار  
ولعت فى قلوب المصريين اكثر والهتاف  
اشتغل مبطلش ابدا الا حين ترك الحاكم  
الحكم

محمد خبط ووقع قدام الباب امه طلعت  
لقيته كدا  
قلبها فطع  
وقالت



يابنى قطع قلبى وروحى عليك يابنى

مش قولتلك بلاش يا محمد وبتبكى  
بانهار

محمد: متخافيش يا امى مصر هتتحرر  
قريب وانا كدا مرتاح

الام: يل.....مصر

محمد: حظ ايه على بوقها وقالها لا يا  
امى مصر هى امى متشتميش عليها ابدًا

انا اللى حصلنى علشان مصر تبقى حرة  
وكريمة مش مستعبدة

الام: متخافش هتبقى كويس يا محمد  
والله متخافش انتا كويس  
انا هجيب التليفون اتصل بابوك وهنروح



المستشفى وهتبقى كويس

وطبعا منهاره

جات تقوم مسك ايدها وقالها احضنينى  
اوى المرادى انا رفضت اعيش علشانك  
يا مصر

امه بتبكي وتقوله لا انتا كويس متخافش

انا بحب مصر لانها شبهك يا امى  
واسمها اسمك هى امى برضو

انا هتصل بابوك

هتتصل بالمتهم يا امى

ابوك قتلك يا ابنى  
احضنينى يا امى

امه بتقول ااااا بصوت عالى وبكى شديد  
وبتصرخ

حضنته

نفسه قطع امه مش حاسه بيه بجد

والرجالة الثوار قاموا بالواجب صح  
الصح

ورحل مبارك ونظامه

المفاجأة

انه مكنش راحل ما بينهم كانت روحه  
الميدان فاكرينو لانهم بيحبوه بجد

....

....

....

بعد ثلاثة سنوات دخل محمد الى غرفته  
التي كانت تكاد مثل التراب من قلة  
استعمالها وراى اوراقه المتربة والادوات  
التي يستعملها فى الغناء وامسك اوراقه  
وكتب بها اغنية ومقال كما كان يكتب فى  
السابق وكانت تسخط على الحكم ايضا

ولكن كيف نجا محمد؟؟؟

الشقة المجاورة بها دكتور والشقة له  
التي كانت تشبه العيادة كثيرا وعندما راه  
اسرع به الى الداخل وبهذا تم انقاذ محمد  
على يد ذلك الرجل ولكن دخل محمد فى  
غيوبه استمر ثلاثة سنوات متتالية  
وعندما عاد كتب الاغنية الجديدة وبدا فى  
الاغنية بالفعل وفتحت امه عليه الباب  
فنظر اليها وقال

((ثورة جديدة))

سارة طول فترة الغيبوبة كل  
يوم كانت بتيجي لمحمد  
وبتقوله كلام وبتبكي وتبوس  
دماغه وبتحاول تخليه يصحى  
يشوف حلمه  
بيتحقق بس محمد رفض  
يصحى الا بعد اربع سنين محمد  
صحى وكمان الشعب صحى بعد  
الثورة وان شاء الله عمره ما  
هينام تانى

تحيا بلادنا...تحيا مصر حرة

شكرا لحسن المتابعة

.....



انا وابى وامى والثورة

رواية ادبية سياسية

الكاتب: محمد دينو

طالب بكلية الخدمة الاجتماعية  
جامعة اسيوط



